

Bukti kesatuan ummah, parti Melayu

Oleh **ROSKHOIRAH YAHYA**

pengarang@utusan.com.my

■ KUALA LUMPUR 4 OKT.

KEHADIRAN parti-parti Melayu ke Kongres Maruah Melayu di Stadium Mala-wati Ahad ini menunjukkan kesatuan ummah dalam usaha untuk memartabatkan kedudukan orang Melayu dan bumiputera di tanah air sendiri.

Sementara itu, Presiden Jaringan Melayu Malaysia, **Datuk Azwanddin Hamzah** memberitahu, hal ini kerana banyak pihak cuba mengganggu gugat kedudukan orang Melayu antaranya penghinaan kepada raja-raja Melayu pada masa kini.

Beliau berkata, penganjuran kongres itu tidak sepatutnya dilihat daripada sudut politik tetapi kesungguhan orang Melayu yang sedia bangkit memperjuangkan agama, bangsa serta tanah air bagi kesejahteraan negara.



AZWANDDIN



MOHD. ALIF ANAS

“Sikap pemimpin yang menyertai kongres tersebut perlu di-contohi oleh semua pihak kerana meletakkan kepentingan orang Melayu paling utama walaupun perbezaan ideologi politik.

“Diharapkan kongres ini berjalan lancar tanpa campur tangan pihak lain kerana ia merupakan langkah pertama orang Melayu untuk bangkit,” katanya kepada *Utusan Malaysia* di sini hari ini.

Pengerusi Parti Pribumi Bersatu Malaysia (Bersatu), Tun Dr. Mahathir Mohamad dan Presiden

Pas, Datuk Seri Abdul Hadi Awang menganugerahkan kehadiran ke kongres itu manakala UMNO mewakilkan Setiausaha Agungnya, Tan Sri Annuar Musa.

Kongres itu merupakan anjuran bersama Universiti Malaya; Universiti Teknologi Mara (UiTM); Universiti Putra Malaysia (UPM) dan

Universiti Pendidikan Sultan Idris (UPSI) serta Persatuan Peguam Muslim Malaysia.

Sementara itu, Presiden Gabungan Pelajar Melayu Semenanjung (GPMS), **Mohd. Alif Anas Md. Noor** berkata, penganjuran kongres itu bertepatan dengan falsafah Mukadimah 4 SEDAR GPMS yang keempat iaitu ‘sedar bahawa maju mundur, kaya miskin dan hina mulianya bangsa itu terletak di tangan kami’ iaitu pemimpin-pemimpin Melayu semasa.